

KENYATAAN AKHBAR

Untuk siaran segera

ABM Terima 6 Pengiktirafan Berprestij di Worldskills Asia 2018

Abu Dhabi, 11 Disember 2018 – Akademi Binaan Malaysia (ABM) melakar sejarah apabila berjaya menerima 6 pengiktirafan sekaligus mengharumkan nama negara dalam pertandingan kemahiran WorldSkills Asia (WSA) 2018 yang berlangsung di Abu Dhabi National Exhibition Centre (ADNEC) pada 26 – 30 November 2018.

Pengiktirafan berprestij tersebut, termasuk pingat emas yang disumbangkan oleh Mohamad Amiol Amin Mohamad Zamri dari ABM Wilayah Selatan apabila berjaya menewaskan 10 peserta dari negara Asia lain termasuk Indonesia, Chinese Taipei, India, Belarus dan Emiriah Arab Bersatu.

Manakala, Ahmad Naim Mohamad Rosli dari ABM Wilayah Sarawak yang memenangi pingat Perak dalam bidang Lukisan & Hiasan termasuk 4 orang lagi peserta dari ABM masing-masing dalam bidang Penyejukan & Penyaman Udara, Kimpalan, Lukisan & Hiasan serta Pendawaian Elektrik diumumkan sebagai penerima *Medallion for Excellence* atas pencapaian yang baik di pertandingan tersebut.

Jumlah keseluruhan pengiktirafan bagi kontinjen Malaysia di pertandingan peringkat Asia itu adalah sebanyak 11 pengiktirafan di mana 3 emas, 3 perak dan 5 penerima *Medallion for Excellence* diterima oleh institut-institut latihan kemahiran terpilih di negara ini.

Daripada jumlah keseluruhan pengiktirafan yang diterima oleh kontinjen Malaysia itu, Kementerian Kerja Raya menyumbang 9 anugerah bagi 17 bidang kemahiran yang telah dipertandingkan.

Sebanyak 19 buah negara Asia telah menghantar wakil dalam pertandingan WSA yang merupakan salah satu platform bagi pelatih-pelatih dalam Pendidikan Teknikal dan Latihan Vokasional (TVET) menjalin kerjasama di peringkat Asia untuk bertukar kepakaran, teknologi dan kaedah latihan di kalangan negara-negara Asia yang terlibat.

Kejayaan ini, sekaligus melayakkan kontinjen Malaysia untuk menyertai WorldSkills Competition (WSC) 2019 yang akan diadakan di Kazan, Russia pada tahun hadapan.

Mengenai CIDB

Lembaga Pembangunan Industri Pembinaan (CIDB) ditubuhkan menerusi Akta Lembaga Pembangunan Industri Pembinaan 1994 (Akta 520) bagi membina kapasiti dan kapabiliti industri pembinaan melalui peningkatan kualiti dan produktiviti dengan memberi penekanan kepada profesionalisme, inovasi dan pengetahuan ke arah kehidupan yang berkualiti.


Untuk maklumat lanjut, sila hubungi:

CIDB Malaysia

Rakis Santa ***rakis@cidb.gov.my*** 012-620 0360 / 03-4047 7018

Mansor Ahmad ***mansor.ahmad@cidb.gov.my*** 012-386 4997 / 03-4047 7018

#####



Mohamad Amrol Amin Mohamad Zamri, peserta dari ABM Wilayah Selatan menerima pingat emas dalam bidang Kimpalan di Majlis Penutup WorldSkills Asia (WSA) yang diadakan di Abu Dhabi National Exhibition Centre (ADNEC).



Ahmad Naim Bin Mohamad Rosli, peserta dari ABM Wilayah Sarawak menerima pingat perak dalam bidang Lukisan & Hiasan di Majlis Penutup WorldSkills Asia (WSA) yang diadakan di Abu Dhabi National Exhibition Centre (ADNEC).



Kontinjen Malaysia bergambar kenangan pada Majlis Sambutan Kontinjen Malaysia dari WorldSkills Asia (WSA) Abu Dhabi 2018 di Lapangan Terbang Antarabangsa Kuala Lumpur (KLIA) semalam.